



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-23511-11/21
Sarajevo, 03.06.2021. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 – Novi prečišćeni tekst i 37/14 – Ispravka), a u vezi sa članom 20a. Zakona o taksu prijevozu u Kantonu Sarajevo („Službene novine Kantona Sarajevo“, broj: 11/14, 26/14, 14/16, 16/16-Ispravka i 14/21) Vlada Kantona Sarajevo, na **26.** sjednici održanoj **03.06.2021.** godine, donijela je

ZAKLJUČAK

1. Prihvata se Izvještaj Ministarstva saobraćaja Kantona Sarajevo o utvrđivanju slobodnih dopunskih taksu oznaka za prijevoz lica sa invaliditetom.
2. Izvještaj iz tačke 1. ovog zaključka dostavlja se Skupštini Kantona Sarajevo, na nadležno odlučivanje.

PO OVLAŠTENJU PREMIJERA

ministar Davor Čičić

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo saobraćaja Kantona Sarajevo,
6. Evidencija,
7. Arhiva.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



Na osnovu člana 120. Poslovnika Skupštine Kantona Sarajevo ("Službene novine Kantona Sarajevo", broj: 41/12- Drugi novi prečišćeni tekst, 15/13, 47/13, 47/15, 48/16,9/20 i 14/20) i člana 20a. stav (3) Zakona o taksi prijevozu u Kantonu Sarajevo („Službene novine Kantona Sarajevo“ broj: 11/14, 26/14, 14/16, 16/16-Ipravka i 14/21, na ____sjednici održanoj dana____. 2021. godine Skupština Kantona Sarajevo donijela je

PRIJEDLOG

ZAKLJUČAK

Usvaja se Izvještaj Ministarstva saobraćaja Kantona Sarajevo o broju dopunskih taksi oznaka za prijevoz lica sa invaliditetom u Kantonu Sarajevo.

Broj: _____/21
Sarajevo, _____ 2021. godine

PREDSJEDAVAJUĆI
SKUPŠTINE KANTONA SARAJEVO
Elvedin Okerić

Na osnovu člana 120. Poslovnika Skupštine Kantona Sarajevo ("Službene novine Kantona Sarajevo", broj: 41/12, 15/13, 47/13, 47/15, 48/16, 9/20 i 14/20) i člana 20a. stav (3) Zakona o taksi prijevozu u Kantonu Sarajevo („Službene novine Kantona Sarajevo“ broj: 11/14, 26/14, 14/16, 16/16-Ipravka i 14/21), Skupština Kantona Sarajevo, na sjednici održanoj dana _____ 2021. godine, donijela je slijedeći

ZAKLJUČAK

Utvrđuje se šest (6) slobodnih dopunskih taksi oznaka za prijevoz lica sa invaliditetom u Kantonu Sarajevo, za 2021. godinu.

Broj: _____/21
Sarajevo, _____ 2021. godine

PREDSJEDAVAJUĆI
SKUPŠTINE KANTONA SARAJEVO
Elvedin Okerić

OBRAZLOŽENJE

Pravni osnov

Pravni osnov za donošenje Zaključaka sadržan je u člana 120. Poslovnika Skupštine Kantona Sarajevo ("Službene novine Kantona Sarajevo", broj: 41/12- Drugi novi prečišćeni tekst, 15/13, 47/13, 47/15 i 48/16, 9/20 i 14/20) i člana 20a. Zakona o taksi prijevozu u Kantonu Sarajevo („Službene novine Kantona Sarajevo“ broj: 11/14, 26/14, 14/16, 16/16-Ispravka i 14/21).

Razlozi za donošenje

Razlozi za donošenje ovog zaključka proizilaze iz odredbi člana 20a. stav (3) Zakona o taksi prijevozu u Kantonu Sarajevo („Službene novine Kantona Sarajevo“ broj: 11/14, 26/14, 14/16, 16/16-Ispravka i 14/21) kojim je propisano da broj slobodnih slobodnih dopunska taksi oznaka za prijevoz lica sa invaliditetom posebnim aktom utvrđuje Skupština Kantona Sarajevo na osnovu razlike broja taksi oznaka iz stava (1) člana 20. Zakona o taksi prijevozu u Kantonu Sarajevo, razlike broja iz stava (1) člana 20a. Zakona o taksi prijevozu u Kantonu Sarajevo i postojećeg broja važećih dopunska taksi oznaka za prijevoz lica sa invaliditetom, na kraju tekuće godine po izvještaju resornog Ministarstva.

Shodno odredbama člana 20a. pomenutog Zakona Ministarstvo saobraćaja pripremi je izvještaj o broju dopunska taksi oznaka za prijevoz lica sa invaliditetom. Iz ovog izvještaja proizilazi da slobodnih dopunskih taksi oznaka za prijevoz lica sa invaliditetom :6 (šest).

Obzirom na navedeno, predlaže se Skupštini Kantona da donese zaključak o usvajanju izvještaja o broju dopunska taksi oznaka za prijevoz lica sa invaliditetom, kao i zaključak o utvrđivanju broja slobodnih dpunskih taksi iznaka za prijevoz lica sa invaliditetom.

IZVJEŠTAJ

o broju dopunskih taksi oznaka za prijevoz lica sa invaliditetom u Kantonu Sarajevo

I Propisi za oblast taksi prijevoza

Taksi prijevoz u Kantonu Sarajevo uređen je Zakonom o taksi prijevozu u Kantonu Sarajevo («Službene novine Kantona Sarajevo» br. 11/14, 26/14, 14/16, 16/16-ispravka i 14/21).

Navedenim zakonom propisani su opći i posebni uslovi za obavljanje taksi prijevoza u Kantonu Sarajevo, a između ostalog obaveza posjedovanja dopunske taksi oznake za svako taksi vozilo, te način utvrđivanja broja taksi oznaka.

II. Dopunska taksi oznaka

Dopunska taksi oznaka predstavlja regulator broja taksi vozila odnosno određivanjem broja dopunskih taksi oznaka određuje se i broj taksi vozila koja imaju pravo da obavljaju taksi prijevoz u Kantonu Sarajevo.

Dopunska taksi oznaka vlasništvo je Ministarstva, a dodjeljuje se taksi prijevoznicima za taksi vozilo po principu jedna taksi oznaka za jedno vozilo, ima jedinstveni evidencioni broj i izdaje se u jednom primjerku.

O dodjeli taksi oznake, Ministarstvo donosi rješenje, a izdaje se za svako pojedinačno taksi vozilo.

Period važenja dopunske taksi oznake je godinu dana, ali ne duže od roka važenja licence „D“ za vozilo.

Prema propisima koji su važili prije Zakona o taksi prijevozu u Kantonu Sarajevo ukupno je dodjeljeno 1436 taksi oznaka i to 1279 fizičkim licima i 157 pravnim licima.

U predhodnom periodu od 2004 godine do sada nisu se stekli uslovi za izdavanje novih dopunskih taksi oznaka odnosno nije smanjen broj taksi oznaka i taksi vozila prema broju stanovnika na usvojeni omjer 1:700.

U periodu od 2004. godine do danas došlo je do znatnog smanjenja broja taksi oznaka i to za 548 taksi oznaka.

Zakonom o taksi prijevozu je data mogućnost prenosa važeće dopunske taksi oznake i to na člana uže porodice, te na drugo fizičko lice koje ispunjava uslove po principu 2 oznake za jedanu.

Po navedenoj osnovi ukupno 222 taksi prijevoznika su od stupnja na snagu Zakona o taksi prijevozu u Kantonu Sarajevo (02.04.2014 godine) izvršila prenos dopunske taksi oznake na drugo fizičko lice po principu dvije za jednu, čime je smanjen broj dopunskih taksi oznaka za 111 oznaku.

U 2020 godini u odnosu na izvještaj za 2019. godinu broj taksi oznaka je smanjen je za 12 taksi oznaka i to za 10 po osnovu prenosa taksi oznake po principu dvije za jednu, te je za dvije taksi oznake utvrđen prestanak važenja.

III UTVRĐIVANJE BROJA DOPUNSKIH TAKSI OZNAKA

U članu 20. stav (1) Zakona propisano je da broj taksi oznaka za Kanton utvrđuje Ministarstvo u omjeru 1 taksi oznaka na 700 stanovnika, dok se nove dopunske taksi oznake neće izdavati dok se ne postigne navedeni omjer.

Broj stanovnika u Kantonu, utvrđuje se jednom godišnje, a na osnovu izvještaja Federalnog zavoda za statistiku (stav (2)).

Prema stavu (3) ovog člana, broj slobodnih taksi oznaka posebnim aktom utvrđuje Skupština Kantona Sarajevo na osnovu razlike broja taksi oznaka iz stava (1) ovog člana i postojećeg broja važećih taksi oznaka, na kraju tekuće godine za narednu godinu po izvještaju resornog Ministarstva.

U skladu sa stavom (4), osnovu akta iz stava (3) ovog člana, Ministarstvo pokreće postupak dodjele slobodnih taksi oznaka.

Izmjenama Zakona o cestovnom prijevozu Federacije Bosne i Hercegovine, objavljenim u „Službenim novinama Federacije Bosne i Hercegovine“, broj: 57/20 definisano je da vozilo koje vrši taksi prijevoz osoba sa invaliditetom može biti prilagođeno za prijevoz osoba sa invaliditetom stvoreni su uslovi za zakonsko regulisanje dodjele taksi oznaka za prijevoz lica sa invaliditetom.

Početkom 2021. godine na inicijativu Ministarstva saobraćaja usvojen je Zakon o izmjenama i dopunama Zakona o taksi prijevozu u Kantonu Sarajevo („Službene novine Kantona Sarajevo“ broj:14/21).

Predložen je novi član 20a. Zakona koji propisuje način utvrđivanja broja taksi oznaka za prijevoz lica sa invaliditetom.

Pomenutom članom propisano je da broj dopunskih taksi oznaka za prijevoz lica sa invaliditetom utvrđuje Ministarstvo u omjeru jedna dopunska taksi oznaka za prijevoz lica sa invaliditetom na 100 dopunskih taksi oznaka (stav 1).

Broj dopunskih taksi oznaka u Kantonu, utvrđuje se jednom godišnje na kraju tekuće godine, a na osnovu podataka iz evidencije Ministarstva (stav 2).

Broj slobodnih dopunskih taksi oznaka za prijevoz lica iz stava (1) ovog člana posebnim aktom utvrđuje Skupština Kantona Sarajevo na osnovu razlike broja taksi oznaka za prijevoz lica sa invaliditetom i postojećeg broja važećih dopunskih taksi oznaka za prijevoz lica sa invaliditetom, na kraju tekuće godine za narednu godinu po izvještaju resornog Ministarstva (stav 3.).

Na osnovu akta iz stava (3) ovog člana, Ministarstvo pokreće postupak dodjele slobodnih dopunskih taksi oznaka za prijevoz lica iz stava (1) ovog člana (stav 4).

Broj dopunskih taksi oznaka iz stava (1) ovog člana ne ulazi u broj dopunskih taksi oznaka koji se utvrđuje u skladu sa članom 20. stav (1) ovog Zakona (stav 5.).

Sve odredbe ovog Zakona i Federalnog zakona koje se odnose na dopunske taksi oznake odnose se i na taksi oznake za prijevoz lica sa invaliditetom.(stav 6.)

Dopunske taksi oznake za prijevoz lica sa invaliditetom ne mogu se prenositi u skladu sa odredbama člana 24. stav (3) ovoga Zakona, a prilikom zamjene vozila odobrava se isključivo zamjena za taksi vozila opremljena za taksi prijevoz lica sa invaliditetom (stav 7.).

Broj stanovnika u Kantonu Sarajevo prema izvještaju Federalnog Zavoda za statistiku iznosi 421.555 (Statistički bilten Kantona Sarajevo za mjesec oktobar 2020 godine -procjena za 30.06.2020).

Na osnovu Izvještaja Ministarstva saobraćaja o broju dopunskih taksi oznaka u Kantonu Sarajevo Skupština Kantona Sarajevo na sjednici održanoj dana 24.03.2021. godine donijela je Zaključak broj: 01-4-12601/21, kojim je usvojen navedeni izvještaj iz kojeg proizilazi da nema slobodnih dopunskih taksi oznaka za dodjelu u 2021 godini .

Na osnovu člana 20a. stav (1) Ministarstvo saobraćaja utvrđuje da je potreban broj dopunskih taksi oznaka za prijevoz lica sa invaliditetom u Kantonu Sarajevo **6 dopunskih taksi oznaka za prijevoz lica sa invaliditetom.**


Obzirom da do sada nije izdana ni jedna dopunska oznaka za prijevoz lica sa invaliditetom to se utvrđuje da ima šest slobodnih taksi oznaka za prijevoz lica sa invaliditetom.

U smislu svega navedenog predlaže se Skupštini Kantona Sarajevo da donese sljedeće

ZAKLJUČKE:

Prihvata se izvještaj Ministarstva saobraćaja o broju dopunskih taksi oznaka za prijevoz lica sa invaliditetom u Kantonu Sarajevo;

Utvrđuje se šest (6) slobodnih dopunskih taksi oznaka za prijevoz lica sa invaliditetom u Kantonu Sarajevo, za 2021. godinu.



MINISTAR



Član 19.

(Izdavanje dopunske taksi oznake)

- (1) Dopunsku taksi oznaku izdaje Ministarstvo na način propisan ovim Zakonom, uz naknadu. O dodjeli taksi oznake, Ministarstvo donosi rješenje.
- (2) Rješenje o dodjeli dopunske taksi oznake i dopunska taksi oznaka se izdaje za svako pojedinačno taksi vozilo u slučaju:
 - a) produženja važnosti dopunske taksi oznake;
 - b) zamjene dopunske taksi oznake;
 - c) izdavanja slobodne dopunske taksi oznake u slučaju iz člana 30. stav (3) ovog Zakona.
- (3) Period važenja dopunske taksi oznake je godinu dana, ali ne duže od roka važenja licence "D" za vozilo.
- (4) Naknadu iz stava (1) ovog člana utvrđuje Ministarstvo.
- (5) Naknade iz stava (1) ovog člana su prihod budžeta Kantona.

Odjeljak B - Broj dopunskih taksi oznaka

Član 20.

(Utvrđivanje broja taksi oznaka)

- (1) Broj taksi oznaka za Kanton utvrđuje Ministarstvo u omjeru 1 taksi oznaka na 700 stanovnika, dok se nove dopunske taksi oznake neće izdavati dok se ne postigne navedeni omjer.
- (2) Broj stanovnika u Kantonu, utvrđuje se jednom godišnje, a na osnovu izvještaja Federalnog zavoda za statistiku.
- (3) Broj slobodnih taksi oznaka posebnim aktom utvrđuje Skupština Kantona Sarajevo na osnovu razlike broja taksi oznaka iz stava (1) ovog člana i postojećeg broja važećih taksi oznaka, na kraju tekuće godine za narednu godinu po izvještaju resornog Ministarstva.
- (4) Na osnovu akta iz stava (3) ovog člana, Ministarstvo pokreće postupak dodjele slobodnih taksi oznaka.

Odjeljak C - Produženje važenja dopunske taksi oznake

Član 21.

(Zahtjev za produženje važenja dopunske taksi oznake)

- (1) Taksi prijevoznik koji posjeduje važeću dopunsku taksi oznaku, dužan je podnijeti zahtjev za produženje iste, prije isteka njenog važenja.
- (2) Zahtjev iz stava (1) ovog člana podnosi se najranije 15 dana prije isteka važenja dopunske taksi oznake.
- (3) Uz zahtjev taksi prijevoznik je dužan priložiti:
 - a) uvjerenje da nema dospjelih, a neizmirenih obaveza po osnovu javnih prihoda, ne starije od 90 dana, ili da izmiruje obaveze u skladu sa potpisanim sporazumom sa Poreznom upravom o načinu izmirenja obaveza po osnovu javnih prihoda;
 - b) dokaz o izmirenim obavezama za korištenje taksi stajališta;
 - c) dokaz o uplati naknade za produženje dopunske taksi oznake;
 - d) obavještenje o razvrstavanju obrta - srodne djelatnosti prema klasifikaciji djelatnosti odnosno obavještenje o razvrstavanju pravnog lica prema klasifikaciji djelatnosti;
 - e) rješenje o upisu poslovnog subjekta u sudski registar odnosno rješenje o odobrenju djelatnosti u skladu sa članom 4. stav (3) ovog Zakona;
 - f) potvrdu Porezne uprave o statusu za uposlenog vozača ili vozače.

- (4) Zahtjev za produženje roka važenja dopunske taksi oznake podnesen 60 dana nakon isteka važenja iste, Ministarstvo odbacuje kao neblagovremen, a taksi oznaka se smatra slobodnom.

- (5) Naknade iz stava (3) ovog člana su prihod budžeta Kantona.

Član 22.

(Rješavanje zahtjeva za produženje važenja dopunske taksi oznake)

- (1) Ministarstvo postupajući po zahtjevu iz člana 21. stav (1) ovog Zakona, po službenoj dužnosti provjerava da li taksi prijevoznik posjeduje:
 - a) važeće rješenje o ispunjavanju tehničko-eksploatacionih uslova za taksi vozilo;
 - b) važeću licencu "D" za taksi prijevoz u formi rješenja;
 - c) važeću licencu "D" za taksi vozilo i
 - d) važeću dopunsku taksi oznaku.
- (2) Ukoliko taksi prijevoznik ispunjava uslove propisane ovim Zakonom, Ministarstvo donosi rješenje o dodjeli dopunske taksi oznake i izdaje dopunsku taksi oznaku.

Odjeljak D - Zamjena dopunske taksi oznake

Član 23.

(Zahtjev za zamjenu dopunske taksi oznake)

- (1) U slučaju promjene podataka na osnovu kojih je izdata dopunska taksi oznaka, taksi prijevoznik dužan je u roku od 8 dana od dana promjene podataka podnijeti zahtjev Ministarstvu za zamjenu dopunske taksi oznake i dostaviti ovjerene kopije dokumenata kao dokaz o promjeni podataka.
- (2) Zamjensku taksi oznaku Ministarstvo izdaje sa prethodnim rokom važenja.

Odjeljak E - Unos prava na dopunsku taksi oznaku

Član 24.

(Unos prava na dopunsku taksi oznaku)

- (1) Dopunska taksi oznaka se ne može prenositi.
- (2) Ministarstvo daje saglasnost za unos prava na važeću dopunsku taksi oznaku prilikom: spajanja, pripajanja, podjele, promjene oblika društva koje je registrovano za obavljanje djelatnosti taksi prijevoza, a u skladu sa Zakonom o privrednim društvima.
- (3) Izuzetno od odredbi stava (1) ovog člana, za samostalnog taksi prevoznika - fizičko lice, Ministarstvo će Rješenjem odobriti prenos važeće dopunske taksi oznake u slučaju smrti ili prestanka bavljenja taksi djelatnošću ili odjave djelatnosti taksi prevoznika - fizičkog lica u bilo kojem periodu na:
 - a) člana uže porodice koji ispunjava uslove za obavljanje taksi prevoza, odnosno za sticanje oznake, a pod istim se u smislu ovog Zakona podrazumijevaju: bračni drug, djeca rođena u braku i van braka, usvojena i pastorci, bračni drug djece, roditelji bračnih drugova, otac, majka, očuh, maćeha i usvojlac, braća, sestre i unučad,
 - b) drugo fizičko lice koje ispunjava uslove za obavljanje taksi prevoza po principu dvije za jednu, odnosno za sticanje prava na jednu oznaku, potrebno je izvršiti prenos dvije postojeće taksi oznake ugovorom zaključenim kod notara između lica koja prenose oznaku i lica koje preuzimaju oznaku. Ugovor je valjan kad Ministarstvo da saglasnost na isti.

Službene novine Kantona Sarajevo, broj 14/21

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17) i čl. 10. i 42. Zakona o cestovnom prijevozu Federacije Bosne i Hercegovine ("Službene novine Federacije BiH", br. 28/06, 2/10 i 57/20), Skupština Kantona Sarajevo, na 34. Radnoj sjednici održanoj dana 07.04. 2021. godine, donijela je

ZAKON

O IZMJENAMA I DOPUNAMA ZAKONA O TAKSI PRIJEVOZU U KANTONU SARAJEVO

Član 1. (Novi član 20a.)

U Zakonu o taksi prijevozu u Kantonu Sarajevo ("Službene novine Kantona Sarajevo", br. 11/14, 26/14, 14/16 i 16/16 - Ispravka), iza člana 20., dodaje se novi član 20a. koji glasi:

"Član 20a.

(Utvrdjivanje broja dopunskih taksi oznaka za prijevoz lica sa invaliditetom)

(1) Broj dopunskih taksi oznaka za prijevoz lica sa invaliditetom utvrđuje Ministarstvo u omjeru jedna dopunska taksi oznaka za prijevoz lica sa invaliditetom na 100 dopunskih taksi oznaka.

(2) Broj dopunskih taksi oznaka u Kantonu, utvrđuje se jednom godišnje na kraju tekuće godine, a na osnovu podataka iz evidencije Ministarstva.

(3) Broj slobodnih dopunskih taksi oznaka za prijevoz lica iz stava (1) ovog člana posebnim aktom utvrđuje Skupština Kantona Sarajevo na osnovu razlike broja taksi oznaka za prijevoz lica sa invaliditetom i postojećeg broja važećih dopunskih taksi oznaka za prijevoz lica sa invaliditetom, na kraju tekuće godine za narednu godinu po izvještaju resornog Ministarstva.

(4) Na osnovu akta iz stava (3) ovog člana, Ministarstvo pokreće postupak dodjele slobodnih dopunskih taksi oznaka za prijevoz lica iz stava (1) ovog člana.

(5) Broj dopunskih taksi oznaka iz stava (1) ovog člana ne ulazi u broj dopunskih taksi oznaka koji se utvrđuje u skladu sa članom 20. stav (1) ovog Zakona.

(6) Sve odredbe ovog Zakona i Federalnog zakona koje se odnose na dopunske taksi oznake odnose se i na taksi oznake za prijevoz lica sa invaliditetom."

(7) Dopunske taksi oznake za prijevoz lica sa invaliditetom ne mogu se prenositi u skladu sa odredbama

člana 24. stav (3) ovoga Zakona, a prilikom zamjene vozila odobrava se isključivo zamjena za taksi vozila opremljena za taksi prijevoz lica sa invaliditetom."

Član 2.
(Izmjena člana 21.)

U članu 21. u stavu (4) riječi: "do 6 mjeseci", zamjenjuju se riječima: "za 6 mjeseci".

Član 3.
(Izmjene člana 24.)

(1) U članu 24. u stavu (3) riječi: "u bilo kojem periodu", brišu se.

(2) Stav (4) mijenja se i glasi:

"(4) Zahtjev za prenos dopunske taksi oznake, lica navedena u stavu (3) tač. a) i b) ovog člana mogu podnijeti u roku od šest mjeseci od dana nastanka smrti ili prestanka bavljenja taksi djelatnošću ili isteka važenja rješenja o dodjeli dopunske taksi oznake ili odjave djelatnosti taksi prevoznika - fizičkog lica sa kojeg se vrši prijenos dopunske taksi oznake."

Član 4.
(Dopune člana 26.)

(1) U članu 26. u stavu (2) iza riječi: "odredbi člana 20. stav (4)", dodaju se riječi: " i člana 20a. stav (4)".

(2) Iza stava (5) dodaje se novi stav (6) koji glasi:

"(6) "Zahtjev za dodjelu dopunske taksi oznake podnesen prije raspisivanja javnog poziva iz stava (2) ovog člana, odbacuje se kao preuranjen."

Član 5.
(Izmjena člana 28.)

U članu 28. stav (1) mijenja se i glasi:

"(1) Kriterije i način vrednovanja za izbor taksi prijevoznika koji se prijavljuje na javni poziv iz člana 26. stav (1) ovog Zakona utvrđuje Vlada Kantona."

Član 6.
(Dopune člana 31.)

